

## **MODIFICACIÓNS QUE INTRODUCE A ORDE DO 28 DE MAIO DE 2021 NO MODELO DOS PLANS DE PREVENCIÓN E HIXIENE FRONTE A COVID-19 PARA OS CENTROS DA UDC REV 03 (MAIO 2021)**

Despois da entrada en vigor da ORDE do 28 de maio de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia, os plans de prevención e hixiene fronte a COVID-19 para os centros da UDC\_rev 03 quedarían afectados nos seguintes puntos:

1. No punto 2 do plan:

- Onde pon:

**Covid-19 (50%)**

- Debe poñer:

**Covid-19 (75%)**

2. No punto 4.2.1 do plan

- Onde pon:

“Na realización de adestramentos e na celebración de competicións dentro da actividade deportiva federada de competencia autonómica, aplicarase, respecto ao uso da máscara, o recollido especificamente no protocolo das federacións deportivas respectivas.”

- Debe poñer:

“A práctica da actividade deportiva federada de ámbito autonómico, adestramentos e competicións, axustarase aos correspondentes protocolos Fisicovid-Dxtgalego aprobados”

3. No punto 4.3.2 do plan:

- Onde pon:

“Segundo a Orde do 7 de maio de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia tendo en conta a finalización da prórroga do estado de alarma establecida polo Real Decreto 956/2020, do 3 de novembro, **a realización de actos e reunións laborais, institucionais, académicos, profesionais, sindicais, de representación de traballadores e administrativos, actividades en centros universitarios, educativos, de formación e ocupacional** poderanse realizar sempre que se adopten as medidas previstas nos correspondentes protocolos de funcionamento, ben que se recomenda que se realicen de forma telemática sempre que sexa posible.

Nos concellos enumerados nas letras A, B e C do anexo II da presente orde, a realización dos citados actos non se poderá superar o trinta por cento da capacidade autorizada do local. En calquera caso, deberase respectar un máximo de 75 persoas para lugares pechados e de 150 persoas se se trata de actividades ao aire libre.

Nos concellos enumerados na letra D do anexo II da presente orde (A Coruña, Oleiros, Ferrol...), nas ditas actividades non se poderá superar o cincuenta por cento da capacidade autorizada do

local e, en todo caso, deberá respectar un máximo de 150 persoas para lugares pechados e de 300 persoas se se trata de actividades ao aire libre.”

- Debe poñer:

Segundo a Orde do 28 de maio de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia, **a realización de actos e reunións laborais, institucionais, académicos, profesionais, sindicais, de representación de traballadores e administrativos, actividades en centros universitarios, educativos, de formación e ocupacional** poderanse realizar sempre que se adopten as medidas previstas nos correspondentes protocolos de funcionamento, ben que se recomenda que se realicen de forma telemática sempre que sexa posible.

Nos concellos enumerados nas letras A e B do anexo II da presente orde, a realización dos citados actos non se poderá superar o 50 % da capacidade autorizada do local. En calquera caso, deberase respectar un máximo de 75 persoas para lugares pechados e de 150 persoas se se trata de actividades ao aire libre.

Nos concellos enumerados nas letras C e D do anexo II da presente orde (A Coruña, Oleiros, Ferrol...), nas ditas actividades non se poderá superar o 75 % da capacidade autorizada do local e, en todo caso, deberá respectar un máximo de 150 persoas para lugares pechados e de 300 persoas se se trata de actividades ao aire libre.

#### 4. No punto 4.3.7 do plan

- Onde pon:

“Segundo a Orde do 7 de maio de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia tendo en conta a finalización da prórroga do estado de alarma establecida polo Real Decreto 956/2020, do 3 de novembro, na celebración de actividades en cines, teatros, auditorios, congresos e outros eventos e espazos similares, así como en recintos ao aire libre e noutros locais e establecementos destinados a espectáculos públicos e actividades recreativas, poderá desenvolverse, sen superar o trinta por cento da capacidade permitida, con público, sempre que este permaneza sentado e que a capacidade se calcule, dentro da capacidade permitida, de forma que se garde sempre a distancia mínima de seguridade de 1,5 m nas catro direccións entre os asistentes, salvo que se trate de persoas conviventes, cun límite máximo de duascentas cincuenta persoas para lugares pechados e de cincocentas persoas, se se trata de actividades ao aire libre.”

- Debe poñer:

“Segundo a Orde do 28 de maio de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia, na celebración de actividades en cines, teatros, auditorios, congresos e outros eventos e espazos similares, así como en recintos ao aire libre e noutros locais e establecementos destinados a espectáculos públicos e actividades recreativas, poderá

desenvolverse, sen superar o trinta por cento da capacidade permitida, con público, sempre que este permaneza sentado e que a capacidade se calcule, dentro da capacidade permitida, de forma que se garde sempre a distancia mínima de seguridade de 1,5 m nas catro direccións entre os asistentes, salvo que se trate de persoas conviventes, cun límite máximo de duascentas cincuenta persoas para lugares pechados e de cincocentas persoas, se se trata de actividades ao aire libre.”

5. No apartado 4.3.8 do plan

- Onde pon:

“Este límite de ocupación será aplicable tamén á realización de actividades culturais nestes espazos e cun máximo de ata catro persoas nas actividades de grupos, sexan ou non conviventes, excluído o monitor ou guía, e deberán establecerse as medidas necesarias para procurar a distancia de seguridade interpersoal durante o desenvolvemento da actividade, agás no caso de persoas conviventes”

- Debe poñer:

“Este límite de ocupación será aplicable tamén á realización de actividades culturais nestes espazos e cun máximo de ata 10 persoas en interior e 20 no exterior nas actividades de grupos, sexan ou non conviventes, excluído o monitor ou guía, e deberán establecerse as medidas necesarias para procurar a distancia de seguridade interpersoal durante o desenvolvemento da actividade, agás no caso de persoas conviventes.”

6. No punto 5 do plan

- Onde pon:

“ORDE do 7 de maio de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia tendo en conta a finalización da prórroga do estado de alarma establecida polo Real decreto 956/2020, do 3 de novembro.”

- Debe poñer:

“ORDE do 28 de maio de 2021 pola que se establecen medidas de prevención específicas como consecuencia da evolución da situación epidemiolóxica derivada da COVID-19 na Comunidade Autónoma de Galicia.”

7. Por outra banda, os centros que teñan actividades deportivas, terán que especificar tamén no seu respectivo plan Covid-19 as modificacións sobre as actividades grupais:

- Onde pon:

“4 persoas en interiores e 6 en exteriores”

- Deberá poñer:

“6 persoas para interiores e 10 para exteriores”

**Estes mesmos números de persoas para actividades grupais serán aplicables a calquera actividade na que non se especifique outro número de persoas distintas.**

LEMBRÁMOSLLE que, en cumprimento da normativa vixente:

- É OBRIGATORIO o uso da MÁSCARA para todas as persoas que estean nas instalacións da UDC, agás nas excepcións contempladas na dita normativa.
- Asemade, DÉBESE GARDAR a distancia mínima de seguridade de 1.5 m nas catro direccións entre persoas, salvo que se trate de conviventes.

A Coruña, 01 de xuño de 2021

O Servizo de Prevención de Riscos Laborais.